


Sel Prestuhn  
Thomas S. Monson



# Olwelah Sacohk ke Puk luhn Mormon

**Y**ac pucspucs somlah ah nga tulac siskacn pet luhn pahpah fuhsr se ke el fahfahlac in misac ah. Muhtwacn ahsor se kiyacl ah ac tuhlihk luo nahtuhlos ah tulac siskac ah. El sruokyac pouk ac, ke ngwetngwet pahkomuhta se lal ah, el fahk, “Pisap, Nga etuh lah ngwac kuhruhna misac. Fahk nuh sihk ma ac sikyak nuh ke nguhnihk ke ngwac misac uh.”

Nga oruh pruhe se nuh ke kolyuck luhn inkuhsrao ac liyacack fin tepuh soko siskacn pet se lal ah sie puk ma oasr Puk luhn Mormon, D&C ac Pearl of Great Price. Nga sruhwack puk sac olang. Nga sa na liyacack lah nga olang na te sun sapta 40 ke Alma luhn Puk luhn Mormon. Nga riti kaks inge nuh sel:

“Liye, ahkkahlwemyeyuck nuh sihk sin sie lupufacn, lah nguhn luhn mwet nuh kwewa, in pacl se ma elos som liki monun mwet uh, . . . utucklac nuh acn selos nuh yurin God se ma sang moullal los ah.

“Ac . . . nguhn lalos suc suwohswohs utucklac nuh yen engan, suc pahngpahng pacruhtais, yen in monglac, yen in mihs, acn ma elos ac monglac liki ma upac nuh kwewa lalos, mwe fosngah lalos, ac ahsor lalos” (Alma 40:11–12).

Ke nga tahfwelah in riti ke Sifil Moulyak sac, kahlwem se tuhkuh nuh ke ngwetngwetan mukul fuhsr sac ac isracsr srihsrihk se ahkpwacryaclwack. Ke sahflah

muhtwacta luhk ah, nga wihlkacs nuh sin sucu wowo se inge.

Nga liyacack tok muhtwacn kiyacl ah ac tuhlihk luo nahtuhl ah ke mas sac. Nga nuhnkwelah fong sac ke pacl se mukul fuhsr sac siyuck ke ma pwacye ac, ke Puk luhn Mormon, el lohng top nuh ke kuhsen siyuck lal ah.

Ke Puk luhn Mormon oasr pac olwelah sacohk pac sahyac, weacng olwelah in mihs, sukohsohk, ac mwe insewowo kuht fin ac oruh tuh kuhlwasn sapuh God luhn acn uh, suc pa Jisus Kraist (liye Ether 2:12).

Ke sra puk inge oasr olwelah ke wacngihn sahf-lahiycn engan nuh selos suc karihngihn masap luhn God uh. Tuh liye, elos ahkinsewowoyeyuck ke ma nuh kwewa, kwewana ke ip luhn mahno ac ip luhn nguhn (liye Mosiah 2:41).

Ke sra puk kac uh oasr olwelah ke engan tiac kuh in motkweyuck nuh selos suc orwacrah kuhfa nuh in poun God in pain molwelah tuhlihk mukul ac muhtwacn sacohk Nahtuhl an (liye Alma 28:8; 29:9).

Ke sra puk kac uh oasr olwelah ma fahsrwelihk luhn Israel uh ac tuhfeh orwacni—orekma se ma kuht tuhkweni kac ke oruh luhn misineri wo lasr fin facluh nohfohn uh (liye 3 Nephi 16; 21–22).

Ke sra puk kac uh oasr olwelah se ma ke kuht pruhe

nuh sin Pahpah ke ine muhtahl luhn Jisus Kraist uh, sucu lasr uh ac tuhfeh ahkinsewowoyeyuck (liye 3 Nephi 18:21).

Ke lutlutkihnyacn sra puk kac uh ahkfalyeyucklac luhn olwelah palyeyiuck lah “ac fah tuhkuh nuh in moul lowos an ac in lohm suwos an tuhtahflah se nuh ke Nguhn luhn Leum, oruh ahkkweyeyuck se in fahsr ke ahkostwen nuh ke masap Lal uh, ac fahkwack luhlalfongi kuh se ke moul na pwacye luhn Wen nuhtin God.”<sup>1</sup>

Ac ke sra puk ke Puk luhn Mormon uh olwelah lal Moroni uh fahk lah ke pruhe, inse pwacye, ac luhlalfongi ke Kraist uh, kuht ac kuh in etuh ke ma pwacye ke olwelah inge ke kuh luhn Nguhn Muhtahl (liye Moroni 10:4–5).

Wi mwet pahluh sahyac ke lwen-sahflah uh, nga fahkwack ke ma pwacye ke ma inge “ma pwacye liki kuhtwena puk fin facluh uh,”<sup>2</sup> finne Puk luhn Mormon, sie wuhlweacng sahyac ke Jisus Kraist. Pweng kac uh fahsrwelikh nuh facluh ac sang mwet riti kac uh etuh

se ke ma pwacye uh. Pa fahkwack luhlalfongi se luhk lah Puk luhn Mormon uh ekuhllah moul uh. Lwelah kais sie sesr in riti ac sifil riti. Ac lwelah kuht in engan in akacsruhi ke fahkwack luhlalfongi lasr ke olwelah sacohk uh nuh sin tuhlihk nuh kwewa nuhtin God.

#### **MWE KAHSRUH**

1. Gordon B. Hinckley, “A Testimony Vibrant and True,” *Liahona*, Ohkohs 2005, 6.
2. *Teachings of Presidents of the Church: Joseph Smith* (2007), 64.

---

#### **LUTI KE PWENG SE INGE**

Ke ma suhmuhsalah uh “kuht konwacack lah mwe luti ke ma pwacye uh ma ac ahkwoyelah fohsack nuh kwewa ac ma upac nuh kwewa ac elyah nuh kwewa ma ac tuhfeh sun sucu luhn mwet uh” (*Teaching, No Greater Call* [1999], 51). Ke kowos akacsruhi ke pweng lal Pres-tuhn Monson uh nuh sin sucu an, solwacitahl in lohng ke “olwelah sacohk an” ma el ahkkahlwemye ke Puk luhn Mormon an. Kom ac kuh in akacsruhi ke sie olwelah lun Puk luhn Mormon ma oasr srihpac nuh sum an.



Luhlahlfongi • Sucu • Kahsruh

# Kuht Fin Tiac Suhmuhngnguh

*Lutlut ke ma inge ac, fin ohi, sramsramkihn nuh sin muhtwacn wiyowos ma kowos muhtwacta yohroh an. Orekmakihn kihsen siyuck an in kahsrwe kom ahkkweye tahmtahel wiyom an ac in orwacлах ip fokoko se ke U in Kahsruh luhn Muhtwacn ke moul lom sifacna an.*

**K**e Puk luhn Mormon kuht riti ke mukul fuhsr wowo suc ma arulacna puhlaik, watwen, ac fokoko. Ahok, elos pa mukul pwacye ac acsmak, tuh elos lutiyuck in karihngihn masap luhn God uh ac in fahsr suwohswohs nuh yohrohl (liye Alma 53:21). Mukul fuhsr kuh in luhlahlfongi inge ahkfuhlwactye ninac kiyaclos an—mwe srihkasrak lalos ac mwet luti lalos.

Ninac kiyacn mwet in mweun watwen lal Helaman ah moul ke pacl ma tiac oacna pacl lasr uh. Ohiyac lalos uh upac ac sensen, ac mwet fuhsr uh pahngpahng in loango sukohsohk ke ip luhn mahno ac ip luhn nguhn. Mihsenge kuht muhta ke facluh se ma kuht “tia mweuni mahno ac srah, tuhsruk ma yohk, kuh, lain leum luhn ma lohsr luhn facl se inge, ac lain nguhn fohkfohk ke acn fuhlwact” (Mwet Efesus 6:12).

Pacl upac uh pahngon pahpah ninac fokoko uh ac mwe srihkasrak suc luti ke ma pwacye ma mwet mweun watwen lal Helaman etuh ah: “Elos fin tiac ahlohloh, God lac usactahllah” (Alma 56:47). Luti ac ahkkahlwemye ma pwacye inge mihsenge enenuh in liyeyuckyang. Tuhsruhktuh, kuht enenuh in tiac sahngweng. Ke kuht etuh lah suc kuht uh ac suc God uh ac kuht orwacлах olwelah uh nuh Sel, kuht—oacna ninac kiyacn mwet mweun watwen inge ma—fah oasr

ohiyac wowo nuh ke ma wo.

Kwacna, kais sie sin mwet mweun watwen tausin luo onngoul lal Helaman ah etwacлах sin ninac se kiyac. Tuhsruhk ninac inge tiac sifacna mukwikwi. Elos tuhkweni wi mukul ac muhtwacn suwohswohs sahyac, ninac inge enenuh in insese ke luhlahlfongi ac mwe srihkasrak lalos in luti kuh ke olwelah uh. Mwet fuhsr ke pacl uh kahlwem ke olwelah pahpah ninac kiyaclos uh orwacлах in tiac eis ke kahsruh. Ac finne ke pacl atacn upac uh, Pahpah Inkuhsrao pahkotwen se ikacslah inkacnek se nuh sin pahpah ninac inge in karihngihn olwelah lalos ac in liyacacng sukohsohk lalos (liye Alma 56:5–9). Kuht enenuh pac in ahkfuhlwactye olwelah lasr uh in muh tuhlihk srihsrihk ac mwet fuhsr—tuhlihk srihsrihk nahtuhsr uh ac elos suc ke ward, pracns, mwet tuhlan, ac mura uh—fah etuh ac tahpuhk karihngihnyacn olwelah uh.

Ke kuht ahkfuhlwactye olwelah lasr uh, Pahpah Luhng El kuh in ahkolah inkacnek nuh sesr. Kuht enenuh in moulkihn olwelah lasr uh in pwacye. Kuht kuh, nuh ke mwe srihkasrak, pruhe in fal, in lutlutkihn ma suhmuhslah uh, in sruok pwepuh in lwelah nuh ke tempuhl sasuc, in nuknuk wowo, in ahkfuhlwactye lwen Sahuht. Ke kuht oruh oacna uh, tuhlihk nahtuhsr uh e etuh ac kuh in fahk, Kuht tiac

suhmuhngnguh lah ninac kiyacsr ah etuh kac (liye Alma 56:48).

Muhtwacn Luhlahlfongi ke lwen-sahflah uh suc akihlen lah kuhiyaclos tuhkuh ke Iwacлах luhn Leum tiac fuhlweack ke pacl upac ac ahkmuhnahs uh. Kuht mwet karihngihn olwelah uh, kuht etuh yohk in sruok, tuhfa, ac liyacacng tuhlihk srihsrihk ac mwet fuhsr uh in muh sie lwen kuht kuh in fahk ke fihl kapwack se inge, Nga soenna wi puhlaik uh, tiac wi inmahsrlohlos (liye Alma 56:45).

*Julie B. Beck, prestuhn luhlahp ke U luhn Muhtwacn in Kahsruh.*

## **Ke Ma Suhmuhsrah uh**

Alma 53; 56–58

### **Meac Nga Kuh In Oruh?**

- 1.** Ngwac kahsruh fuhkah tahmtahel wiyuck uh in akihlen ac mukwikwi ke kuh oasr yohrohlos in lotweacng fihl sasuc se uh?
- 2.** Moklweyuck fuhkah ngwac sokwack ke Puk luhn Mormon uh in topuk ma upac nga sun mihsenge uh?

Nuh ke kuntuuh pac ma in etuh, som nuh ke [www.reliefsociety.lds.org](http://www.reliefsociety.lds.org).